

太極葛仙公傳

青元觀 詳前 先造

仙公諱玄字孝先姓葛氏句容人也

列傳云葛天氏之後封于葛遂以國為氏
歷代諸侯也陶弘景仙公碑云丹陽句容

都鄉吉陽里人張似句容誌云青元觀梁
天監七年建在縣西南三百餘步具葛仙

公宅也鍊丹井在焉

其先琅琊人後漢驃騎將軍儋侯廩讓國於
弟艾來居此土

抱朴子曰葛虛有大功受爵立宅舍於博
望里于今基此石礎在焉別傳云高祖廩

漢驃騎大將軍封下邳侯讓國與弟艾託
遂南遊江左道逸丘登適丹陽句容見其

山水秀麗風俗淳厚因居焉金陵誌云列
仙傳曰本姓諸葛遠祖征江漢次丹陽之

句容因止而歎曰獨身在此何諸之有葛
姓始此

祖矩安平太守黃門郎父馬字德儺州主簿

山陰令散騎常侍大尚書

廣六

雲笈七籤云父諱孝儒別傳云父孝儒歷
大鴻臚

仙公生於漢延熹七年甲辰四月八日

按別傳云仙公父素奉道法即遣人詣本
里玄靜觀求香水浴兒時有自然道士支

道紀莫知其所由來欣然謂曰吾昨夢通
玄真人自大羅天下降明日當往賀尚書

生奇勇越一日果來賀求兒看父令抱兒
出道紀起教尚書驚問道紀曰此兒有紫

氣覆之狀如寶蓋神光煥耀當為神仙非
常兒比尚書曰仙聖家選得壽考以為宗

嗣足矣道紀因作禮十方仙聖為讚曰身
雖輪聖化鬼神無暫滅宿福積重緣昔願

非今日大羅真人降仙聖含真出天龍漱
香花濯我鍊胎質微言將誰信靈期玄佑

畢道心超不二混成表元一獨悟本無想
放則大乘逸頌畢長揖而出倏然不見

生而秀穎英姿振發天才超軼性識明茂學
通古今經傳子史靡不該覽

葛洪神仙傳曰公備覽五經又好談論

八歲父薨繼遭母喪克盡孝道每見園池臺
榭有父手澤履跡輒仰天號哭飛鳥為之悽

鳴服既闋即有邁俗之志居常好彈琴誦老

莊安閒淡泊內足無求年十五六名振江左
州郡欲辟為掾仙公笑曰蔬食被褐枕石漱

流吾所樂也豈能以彼而易此哉卒辭之志
欲避跡靈嶽退求異人乃著羽服入赤城山

精思念道常服餌木能絕穀連年不饑
列傳云仙公年十八九東入括蒼省其叔

彌彌字孝公時投業於其居曰于常念子
幽竊與人事疎闊仰盼青雲俯臨滄海險

阻艱難備嘗之矣今天下求士子才術奇
博盡出任乎答曰玄稟性愚鈍不遵世用

負愧先緒謝干祿之客辭負鼎之士當絕
志巖穴棲心煙霞流淚山水期與滄子為

友亦松結交惟叔父遠弘道藝論五經
俾涖泗之風翕然復振策名王室亮天熙

載垂裕後昆耳彌曰子絕穎離倫超凡入
聖吾不及也陶碑云從祖彌豫章等五郡

太守別傳以為叔誤

恒周旋括蒼南嶽羅浮金精玉筍長山蓋竹
天台蘭風等山雖歷游名嶽時還京邑或止
石頭四望山所或游於烈洲恒與謝稚堅黃
子陽郭聲子相隨

真誥云鹿跡山洞主有謝稚堅又云謝稚

堅張兆期就毛伯道劉道恭請道與之蒞
岑特行方服之皆已數百歲游行五嶽也
黃子陽者魏人也學道博落山中九十餘
年但食桃皮飲石中黃水後逢司馬季主
以導仙八方與之遂以度世晉初有真人

郭聲子在洛市中作卜師也

漢光初二年正月朔仙公於天台上虞山感
太上遣玄一三真人太極徐真人授以三洞
四輔經錄修行秘訣金書玉誥符圖又命王
思真披九光玉蘊出洞玄大洞靈寶經典七
品齋目勸戒法輪無量通玄轉神入定等經
以授仙公

別傳云今天台桐栢觀有法輪寺三真降
經之所存焉李含光大洞經序云太極真
人徐來勤以大洞經授仙公

吳初左元放自洛而來仙公從受白虎七變
太清九鼎金液丹經鍊氣係形之術治病効
鬼秘法三元真一妙經行之三年於是五通
具足化邈無方矣

真誥云漢建安中左元放聞江東有神山

故渡江尋之神仙傳云公尤長於治病鬼
魅皆見形或遣或殺

是時吳主愛賞仙異尤敬憚仙公欲加榮位
仙公不聽求去不得以客禮待之常共游宴
動相諮稟一日與吳主坐樓上時又早見道
間人民所作請雨吳主曰百姓請雨寧可得
乎仙公曰易得耳即便書符令人着社中一
時之中天地晦冥大雨流潦中庭平地水尺
餘吳主曰水寧可使有魚乎仙公曰可復書
符水中須更有大魚百許頭各長一二尺走
水中吳主曰可食乎曰可遂使取治之乃真
魚也又嘗從吳主船行到烈洲還遭大風百
官船無大小多漂沒仙公船亦不知所在吳
主歎曰仙公有道亦不能免此乎乃登四望
山使人釣船船沒已經宿忽見仙公從水上

步來衣履不濕既至尚有酒色謝吳主曰昨
因侍從而伍子胥見強牽逼卒不得捨去煩
勞至尊曝露水次吳主欣然曰先生為神靈
所招道德所致也

吳越春秋云伍子胥伏劍而死吳王乃取

屍盛以鴟夷之器投之江中子胥因隨流
揚波依潮來往

仙公一日之間能至數十處嘗有客仙公於
坐上方與客語門中又見有一仙公迎他客
而水側又有一仙公投釣不能別何者為真
也又嘗有客至為客置酒無人傳酒杯自至
客前客飲不盡杯亦不去也仙公性好酒飲
酒一斛每飲醉便入深淵澗中卧竟日酒解
乃出身不濡濕亦積薪烈火而坐其上薪盡
而衣冠不灼畫流水即為逆流十丈許

抱朴子云余從祖仙公每大醉及夏天盛
熱輒入深淵之底一日許乃出者正以能
閉氣胎息故耳

又嘗與客對食客曰食畢請作一奇戲仙公
曰得無促飲有所見乎即吐口中飯盡成大

蜂數百頭飛行作聲或集客身莫不震悚但不螫人良久張口羣蜂還飛入口嚼之故是飯也又時天寒仙公謂客曰居貧不能人人得爐火請作天火共使得暖仙公因張口吐氣赫然大出須臾滿屋中客盡得如在日中亦不甚熱又感暑中諸書生請仙公作可以戲者仙公時仰卧使人以粉粉身未及結久答曰熱極不能起作他戲因徐徐以腹揩屋棟數十過還復床上及下毋毋如雲氣腹粉着屋棟連日猶在仙公嘗行卒逢所親邀止道間樹下折草刺樹以杯器承之汁流如泉杯滿即止飲之皆如美酒也又取土石草木以下酒入口皆是鹿脯其所刺樹以杯承之杯至即汁出杯滿即止他人取之終不為出也有好事少年數十人從仙公游學嘗船行見器中藏書札符數十枚因問此符之驗能為何事可得見否仙公曰符亦何以為乎即取一符投江中流而下仙公曰何如客曰吾投之亦能爾仙公又取一符投江中逆流而上曰何如客曰異矣又取一符投江中即停

立不動須臾下符上上符下下三符合一處仙公乃取之又江邊有一浣衣女仙公謂諸少年曰吾為卿等走此女何如客曰善乃投一符於水中女便驚走數里許不止仙公曰可以止矣復以一符投水中女即止還人問女何怖而走答曰吾自不知何故也又於水濱見鬻魚者仙公謂之曰欲暫煩此魚到河伯處可乎漁人曰魚已死矣何能為曰無苦也乃以魚與仙公仙公丹書紙納魚口中擲魚水中魚即躍躍而去俄頃魚還躍上岸吐墨書青色如木葉而飛去又嘗以數十錢使人散投井中以一器置井上呼錢令出錢皆一一飛從井口出悉入器中又嘗為客夏致冰雪冬設生瓜棗能拍床使行指蝦蟆及諸蟲飛鳥燕雀魚鱉之屬使之舞皆應絃節如人止之即止仙公與人俱行能令去也三四尺乘虛而步或有請仙公仙公意不欲往主人強之不得已隨去行數百步言腹痛止而卧地須臾死舉頭斷舉四支四支斷便臭爛蟲生不可復近請之者怖遠走告仙公家

見仙公故在堂上此人亦不敢言之走遠死處已失尸所在
 陶碑云公馳涉川嶽龍虎衛從詭譎僞儻
 縱倒河山真語云亦能乘虎使鬼無所不至
 仙公又感太上授以霹靂火府雷法策役雷神誅伐不道時有神廟此神常使往來之人未至廟百步必下騎乘步行否則立致變怪廟中有大樹數十株上有眾鳥人莫敢犯仙公乘車過不下須臾有大風回逐仙公車塵埃漫天從者皆辟易仙公乃大怒曰小邪敢爾以手指風風便止以符投廟中樹上鳥皆墜地而死後數日廟樹盛夏皆枯廟屋舉火起焚燒悉盡嘗至武康過主人家主人病祭祀道精精人使仙公飲酒精人言語不遜仙公大怒曰姦鬼敢爾勅五伯鬼精人付柱鞭春即見如有人索精人出者至庭抱柱解衣投地但聞鞭聲血出流離精人故尚鬼語乞命仙公曰赦汝死罪汝能令主人病愈否精人曰能仙公曰與汝三日期病者不愈當治

汝情人乃見放病者果愈又嘗過華陰有大蛇爲妖化美婦感一士人仙公乃作田夫驛黃犢而耕回語士人以蛇妖狀復引視古井中蛇所啖人骨教令東走其蛇在網帳中張口將向士人仙公即時爲斬蛇又誅小蛇無數以符令士人服之俄吐蛇蚓蝦蟇之類甚多士人乃無恙于時有一道士頗能治病從中國來欺人言我已數百歲仙公知其誑後會眾坐仙公謂所親曰欲知此公年否所親曰善忽有人從天上下舉坐矚目良久集地著朱衣進賢冠入至此道士前曰天帝詔問公之定年幾許而欺誑百姓道士大怖下床長跪祭曰無狀實年七十三仙公因撫手大笑忽然朱衣所在道士大慚遂不知所之

真誥云公長於變幻

初仙公嘗於荆門紫蓋山修鍊值天寒衣服藍縷跣足而行時有屈氏二女見之憐其忍冷夜作雙履次日往獻暨至則仙公已去所鍊丹鱸灰尚溫二女撥灰得丹一粒分服之自是即不饑後俱隱去時人以爲得仙又在

庚六

十

吁江麻姑山小有洞天修鍊鑿五井以象五行上應五星至今其泉消息盈虛從一至五周而復始若有度數焉

上清集云葛孝先初鍊丹時常以念珠持於手中每日坐丹籙邊常念玉帝金號一

萬遍別傳云仙公凡經行七十二處修鍊皆有仙壇鍊丹靈跡

最後於閩阜東峯建財雲庵築壇立籙以鍊金丹于時瑞氣祥光照映山谷嘗於洞口金沙池中浴丹其泉忽然涌漲金沙騰沸至今

丹池之內金沙自佛又嘗於西峯石壁上石臼中搗藥因墮藥一粟許有飛鳥食之遂不死至今月夜其鳥鳴作丁當杵臼聲世名搗藥鳥仙人琴高嘗騎雙鯉訪仙公於財雲庵

相與置酒酣飲醉而卧及醒雙鯉已化爲石

仙公乃以雙鶴與之琴高遂乘鶴去雙鯉石至今在後山間仙公鍊丹既成乃藏之於東崖石室曰吾以待廣積功行超度羣品酬謝

天地然後服之庶幾三天書名九霄列職無愧于心也

庚六

十一

別傳云仙公丹成作頌曰流珠流珠後我形軀奔馳四海歷覽羣書披尋不悟惟思若愚焚過金石燒竭珠寶財蕩散抱膝長吁吾年六十功效躊躇賴師指授元氣虛無窈冥中起恍惚中居其陰真陽一吸

一呼先存金鼎次認五臟離火激海坎水升虛玉液灌既洞房流酥天機真露萬類

難如真人度人要大丈夫天長地久同看仙都念茲在故語吾記吾

仙公山居嘗慨然念窮鬼滯鬼沈淪惡趣於是刪集靈寶經誥撰成祭鍊大法生天寶錄

靈符秘訣等奏聞天帝建立法壇每於三元八節吉日良宵普召地獄冤鬼詣壇祭鍊行持之後屢有感格

別傳云甲午歲下元祭鍊時有一鬼王長

五丈衣緋袍稽首再拜言曰諸鬼每蒙真

仙祭拔數百萬衆俱獲超生矣且聞比帝

勅示云葛真人祭鍊年深名書金簡上列

天曹也言訖而退

吳主嘗清齋焚香延仙公訪以仙道于時第

子張泰言孔龍鄭思遠等侍仙公對曰仙道微妙夫學道者從微至著自邇陟遐國君萬機之餘能清心守一其則不遠矣吳主歎羨其言

別傳云吳主曰朕以暗昧未達玄旨秘典

齋直修真捷徑道經之品何者為先符圖秘要何者為妙仙公避席曰學道求仙先

修戒行方見漸階道行既立乃可服食靈

藥導引元氣熾納和津呼吸陰陽如此可

為地仙救度災厄却禍來祥者須齋直此

經出太上靈寶洞玄大道無極自然真一

五稱文中其文義趣弘深難可樂舉唯九

轉還丹金液玉醴皆得乘雲駕鶴白日昇

天如大洞真經誦之便可昇舉三皇內文

五藏十地神洲七寶七寶靈圖內篇皆上

仙之所寶至尊至重可度陽九百六之災

真人超邁三界者由此道也吳主書之金

簡封以玉函終身欽奉焉

太子登以仙公有道術祭別館延之訪以長生之道對曰至道之精窈窕冥冥至道之極

昏昧無視無聽抱神以靜形將自正必靜必清無勞汝形無擾汝精乃可長玄此廣成子以告黃帝者也今殿下位居儲副將嗣大寶要在清心寡欲遠使尊賢拔擢英豪光宅天下愛調四序撫育羣黎此四海無疆之

休也太子善之

別傳云嘉禾二年正月朔日辭太子而去

一日仙公辭吳主曰山林微賤久藉恩庇今

當違遠丹陛恐未有再見期願陛下息兵子

民推誠惠物永安宗社長享太平吳主曰卿

名隸丹臺豈久淹塵世者也嘉禾三年正月

一日登括蒼山謂弟子張泰言鄭思遠等曰

吾比為吳王所留未誦洞經於是以前受上

清靈寶諸經精心研誦赤鳥元年戊午十一

月初一日甲子太上遣天吏以金蘭玉書冊

文錫命仙公第一錫命曰太上玉書勅無上

學仙弟子葛玄先世苦行累劫立功損身布

施濟度危亡積感太上遂令名注玄都上仙

定籍是故英明智慧誕降德門所以才質玉

秀馨蘭清發天姿逸穎卓然挺拔道樞淵偉

獨步羣萃高辭世榮抱朴尚質注意仙經舍光守一徜徉林麓不戀朝市慈心度人拳拳不輟道德既充宜有錫命今賜子天寶羽服丹霞繡帔飛羅之裾芙蓉寶冠金真神虎仗命魔幢役海召山所為在意第二錫命曰無

上學仙弟子葛玄索隱緒經長齋靜念存思

專精苦而不倦弄錫子八景玉輿龍駕乘雲

項生圓光金章玉文以酬宿德紀綱道門後

賢仰止兼持法輪太上尊教三天所詮美第

三錫命曰無上學仙弟子葛玄體德弘道開

化未悟普濟濟品俱起妙覺功成名揚高真

信伏三界羣靈尊奉穆穆慈盈十方咸濟所

欲也宜錫子位為太上玉京太極左宮仙公

總統三界六天大魔王之官主行三洞經錄

給真仙玉童玉女各五百人侍真左執九曜

之華幡右捧洞玄之真經龍旂虎節遊行上

清九宮一年三朝太上玄都玉京金闕太上

錫命天帝承書一如三天故典天帝諱遠奉

勅命告行於霍童山仙公乃謂門人曰五芝

吾已盡服受書已定當以七年秋八月十五

日上昇也

王氏神仙傳云葛真人七世修積方證左
官仙公之任別傳云昔十方諸天降請真
王大帝演說九霄大梵雷霆玉經勅元卿
等可同太尉黃鉞雷霆大使尚父等侍衛

瓊與上登三境奏聞元始求旨流傳俄頃
二帥還奏曰百辟會集於三省大帝遂升
元皇洞真之輦諸天車從火鈴侍衛部象
詣三天門下首謁太上玉京左官仙公於
天機省次謁九州都仙於天樞省後謁三
天大法師於太玄都省又元始天尊昔勅
太清無上元君令九州都仙判雷霆太省
事太上玉京太極左官仙公判雷霆玄省
事三天大法師判雷霆都省事浮丘大仙
僉書雷霆三省事乃知仙公天職亦在三
省矣

赤鳥二年正月一日仙公登勞盛山精思念
道是日中感太上授以千真科戒乃與眾真
演說勸戒未悟流傳於世時吳主於方山為
仙公立洞玄觀

廣六

十五

金陵六朝記云仙公於方山上得道白日
昇天山有洗藥池名白上池見在連康實
錄云今方山猶有仙公履屐及藥曰在
仙公弟子五百餘人入室者張奉言孔龍鄭
思遠也及李參王玄冲也

別傳云于時李參蜀郡人及王玄冲訪道
鶴鳴雲臺嵩山少室間聞吳有仙人葛公
往師焉問曰道始於元无先无後无古无
今不審孰為先後仙公曰本無先後左右
高下貴賤形象之殊是以字之曰道也仙
公又曰子宿命當度世遂於天台山立壇
授五嶽真形圖告之曰此太上傳命之信
西王母之所尊執山神魔王皆得役使三
界奉迎也又以太上金丹大經靈寶自然
五稱寶曜文三皇內文大有妙經金真玉
光靈書紫文大洞三十九章太霄隱書明
鏡圖錄金書玉字凡十卷及大極龍騰芝
華告盟仙官各令佩帶令入室弟子鄭思
遠具宣口訣云金陵六朝記云白仲都仙
公弟子亦白日昇天

仙公嘗告思遠等曰吾昔從左元放所受太
清等丹經今悉以付汝然上天禁重勿傳非
人也若有志心之士宜依四極明科盟跪授
之其諸品符籙洞真洞玄洞神真經等是太
極真人徐來勒授我此乃上方祭文自有飛

仙守衛吾昇舉之後可傳諸名山洞壘勿閉
天道也又以仙藥各一丸并流明七曜紫丸
之丹與令服之既服丹即神怡體輕不復飢
渴乃謂玄冲等曰子等當還嵩山齋三年復
往王屋山精思大法也玄冲等請留待曰子
心但存我我即可見不必依戀也嵩高諸真
當復教子矣後五年復雷付子秘訣成子之
道方得洞視無形如明鏡中物也又謂曰子
等當處闕風臺三百年然後乃升天耳夫仙
道有即時升天者亦有十年數十年百年數
百年亦有千年數千年至萬年而後升天者
由其挺分與功行多少也未得升舉之時皆
居五嶽名山及八海中十洲三島其中皆七
寶宮殿瓊樓玉房仙華聚寶尤多不可名狀
鸞鳳麒麟文躍戲舞玉樹瓊林自然音樂凡

仙人之未升舉者多居此諸名山也要在勤而行之耳

別傳云玄冲等長跪曰竊聞有七聖披七色法服而二聖高仙或在終南赤城嵩山不審何經所載可得聞否仙公曰高仙是

南極真人與南極侍郎也所謂十方神仙化形是正真也七聖玄紀云赤君下教慶迹與六弟子俱皆顯姓名也

仙公以升舉有期當立壇醮謝天地山川百靈乃於福庭之中築壇名八景擇吉日登壇告謝天地于時天花舞空神光燭天至赤烏

七年八月十五日忽仙樂窅亮旛幢騎天麟駕羽車浮空咨至仙童玉女靈官翊衛下降壇所有飛天神王手捧玉詔謂仙公曰太上

有命仙公再拜受詔詔曰勅无上學仙弟子靈寶經錄大法宗師葛玄久專至道善養胎精演真經祭鍊於沈竟集仙典開明於後學可謂陰功濟世密行齋真名錄玉都身歸天界可符賜玄位為太上玉京太極左宮仙公總統二界六天大魔王之職主行三洞四輔

經錄事可於甲子歲八月十五日午時上升徑赴闕庭仍賜玉函金丹仙水等太上詔命天帝承書依法啓迎一如三天舊典勅天帝諱速奉旨各行於闕阜福庭仙公受詔單跪服金丹遂與弟子言別登著表臺身披離羅

之服頭戴芙蓉之冠項負圓光手執玉簡絳裙朱履玉佩鳴珂坐八景琅輿寬旛絳節前後導從仙童玉女左右擁衛祥雲白鶴盤繞碧空冉冉而升弟子鄒明等攀戀不已於是

仙公停駕空中賦詩二篇然後上升而去其一曰真人昔遭教惡念孤癡子敵邪不信道禍亂由斯起身隨朝露晞悔恨何有已罪大

不可掩流毒將誰理冥冥未出期劫盡方當止轉輪貧賤家仍復為役使四體或不完整費行乞市不知積罪報怨天神不恃大道常

無為私之由善始吾今獲輕舉修行立功耳三界盡稽首從容紫宮裏停駕虛元中人生若流水臨別屬素翰粗標靈妙紀其二曰我今便升天愍念諸儒英大道體虛无寂寂中有精視之若冥昧窈窕中昭明莫言道虛誕

所患不志誠莫不登名山誦是洞真經一紙而一詠玄音徹太清太上輝金容衆仙齊應聲十方散香花燭煙栴檀馨皇城奏九韶鸞鳳諧和鳴龍駕翳空迎華蓋曜香雲備開劫

伊臺帝釋獻降度八玉奉丹液抱漱身騰輕通遙有無間流朗絕形名神童僕侍側自然朝萬靈飄飄八景與遊宴白玉京七祖生福

堂先亡悉超生玉侯能篤信必為天下負大人體至德一切蒙其成其三日散誕遊山水吐納靈和凝鍊氣同希夷靜詠道德篇至心

宗玄一冥感今乃宣飛駕乘九龍飄飄升紫煙華景曜空衢紅雲擁帝前暫紆蓬萊宮條忽已賓天偉偉衆真會渺渺陵重玄體固無終劫金顏隨日解歡樂太上境悲念一切頑誰能離死環結是冥中緣悠悠成至道無有

入無間微妙良難測智者謂我賢若能私衆妙輕舉升神仙仙公上升時年八十一仙公在世時恒凭一桐木几及上升後其几化為三足白鹿時出山上陶碑云三足白鹿百齡不異其質孔悻會

稽記云仙公得道後凡遂化為三尺獸至
今上虞人往往於山中見此衆凡蓋欲飛
騰之光也

初仙公嘗遊會稽有賈人自海中還云經一
神廟廟神使主簿傳教語賈人曰欲附一書

與葛公可為致之主簿因以函書擲賈人船
頭如釘著不可取及達會稽輒以報仙公仙
公自取之即得題曰太極左宮仙公也

賈善翔高道傳曰乃東華小童君書也字
皆科斗古文

仙公嘗著道德經序及清靜經傳授次第又
著斷穀食方三卷入山精思經一十九卷集
慈悲道場九幽大懺法十卷云

唐書藝文志云葛仙公錄秋子方金訣三
卷

仙公鍊丹并銘

宋蕭川方峻景道撰

仙公冲晦管鍊長林仙公顯明海島流音方
臺白鹿丹砂黃金神飛萬天并存于今碧甃
函文銀床丰華滿清冽寒滌慮洗心德地不

改短綬汲深我長斯民知宗者元周詢故里
景仰遺研勒銘鍊館肅永厥傳

吳太極左仙公葛公之碑

梁華陽隱居陶弘景撰

道冠兩儀之先名絕萬物之始者固言語所

不得辨稱謂所莫能荅焉云何以文字述云
何以金石傳古其遂休也則日月空照遂嘿
也則生人長昏是故出關導以兩卷將升摘
其玉文令懷靈抱識之士知杳冥之有精焉

自時厥後非代間出雲霧龍章之耀炳發於
林岫瓊辭麗氣之旨濂蔚於庭蓮其可以垂

軌範者諠誦者迄于茲辰昔在中葉甘左見
駭於魏王象奉擅奇於吳主至如葛仙公之
才英俊邁蓋其尤彰彰者矣公于時雖歷游
名嶽多居此嶺乃非洞府而跨據中川東視

則連峯入海南眺則重嶂切雲西臨江甌北

傍郊邑斯潛顯之奧區出處之關津丰華石

井日汲莫測其源三足白鹿百齡不異其質
精靈之所弗渝神祇之所司衛麻水史宗之
備相繼樓託後有孫慰祖亦嗣居猶歲山陰

潘洪字文威少秉道性志力剛明前住餘姚
四明隕國為立觀直上百里榛途險絕既術
識有用為物情所懷天監七年郡邑憂蒼遂
相率與出制不由已以此山在五縣衝要舍
而留止于茲十有五載將欲移徙壇上先有

一空碑久已摧倒洪意以為蔭其樹者尚愛
其枝况仙公具聖之遺蹟而可遂淪乎乃復
建新碑於其所願勸名述以永傳隱居不遠
千里寓斯石而鑄之仙公姓葛諱玄字孝先

丹陽句容都鄉吉陽里人也本屬琅琊後漢
驃騎僕侯廩讓國於弟來居此土七代祖艾

即驃騎之弟襲封僕侯祖安平太守黃門
郎從祖彌豫章等五郡太守父焉字德儒州
主簿山陰令散騎常侍大尚書代載英苦族

冠吳史公幼負奇操超絕倫黨神挺標峻清

輝卓遠墳典不學而知道術纔聞已了非復
軌儀所範思識所該特以域之情理之外置

之言象之表吳初左元放自洛而來授公白
虎七變龍火九丹於是五通具足化遊無方
孫權雖愛賞仙異而內懷猜害翻瓊之徒皆

被控斥敬憚仙公動相諸稟公馳涉川嶽龍
虎衛從長山蓋竹尤多去來天台蘭風是焉
遊憩時還京邑視人如戲說調儻縱倒河
山雖投鳧履墜叱石羊起茂以加馮于時有
人溧海隨風渺濤無垠忽值神島見人授書

一函題曰寄葛仙公令歸吳達之由是舉世
翕然號為仙公故抱朴著書亦云余從祖仙

公乃抱朴三代從祖也俗中經傳所談云已
被太極銓授居左仙公之位如真誥并葛氏

舊譜則事有未符恐敘述參差適時立說猶
如執戟侍陛豈謂三摘靈桃徒見接神役鬼

安知止在散職一以權道推之無所復論其
同異矣仙公亦為七年太歲甲子八月十五

日平旦升仙長往不返恒與郭聲子等相隨
又嘗授任玄都抵秩天爵佐命四輔理察人

祇瞻望舊鄉能無纍纍之歎顧矜後學庶垂
汲引之惠敢藉邦族末班仰述真仙遺則云

爾

九城夏絕 七度虛懸 分空置境

聚氣攝天 物滋數後 化起象前

卷六

二十一

命隨形轉 神寄業傳

霜野於衰 竹栢翠微 泉壑共往

彭羨獨歸 生因事攝 年以學祈

如金在治 如帛在機 裏董比迹

仙公珪警 臨韶發韻 疑心感積

項孺聯影 濯質綺闌 龍朝逸聘

虎變已據 偃塞蘭宇 碧壇自甬

竭來台霍 巡芳沐道 懷古測衷

玉水不窮 表茲峻礪 永扇高風

蘭風寓愁 已勒豐碑 此土舊居

未鑄貞琰 今之遠裔 仰慕清塵

敬思刊樹 傳芳來葉

宋勅封勅云山川勝境仙聖所居其風德茂
功顯聞於世者朕必秩而祀之惟真人寄言

立稱咸造宗極出入無吟與道翱翔壇宇琳
官積有年矣祈禱休應美利在民肆加褒榮

特建崇號尚祈歆懌永福此邦可特封冲應

真人 崇寧三年

勅云莊周氏云神人使物不疵癘而年穀熟

卷六

三十三

仙之謂與爾修于名山以成妙道世傳飛升
尚矣在崇寧間回已錫封乃者部使者從邦
吐之請復以祀禱應響歲事屢豐之狀來上
朕於方士說無所嗜嘉其有功於民爰命禮
官用衍稱謂若夫乘雲御風遊乎八極之表
何有於名然姑以見朕褒表之悅可特封冲
應字佑真君 崇寧六年

太極葛仙公傳